

VENDIM
Nr.371, datë 14.6.2006

PËR MIRATIMIN E STRUKTURËS DHE TË NIVELEVE TË PAGAVE TË NËPUNËSVE TË DISA INSTITUCIONEVE, NË VARËSI TË KËSHILLIT TË MINISTRAVE/KRYEMINISTRIT

Në mbështetje të nenit 100 të Kushtetutës, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, dhe të ligjit nr.9464, datë 28.12.2005 “Për Buxhetin e Shtetit, të vitit 2006”, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

1. Në fushën e veprimit të këtij vendimi përfshihen: Drejtoria e Përgjithshme e Arkivave të Shtetit, Agjencia e Prokurimit Publik, Instituti i Statistikave, Drejtoria e Sigurimit të Informacionit të Klasifikuar, Komiteti Shtetëror i Minoriteteve, Agjencia Telegrafike Shqiptare, Instituti i Integritetit të ish-të Përndjekurve Politikë.

2. Struktura dhe nivelet e pagave të nëpunësve të institucioneve qendrore, të përcaktuara në pikën 1 të këtij vendimi, janë sipas lidhjes nr.1, që i bashkëlidhet këtij vendimi dhe është pjesë përbërëse e tij.

3. Struktura dhe nivelet e pagave të nëpunësve të institucioneve rajonale/vendore, në varësi të institucioneve të përcaktuara në pikën 1 të këtij vendimi, janë sipas lidhjes nr.2, që i bashkëlidhet këtij vendimi dhe është pjesë përbërëse e tij.

4. Paga e grupit (kolona 1) e lidhjeve nr.1 e nr.2, - diplomë e shkollës së lartë, është 10 050 (dhjetë mijë e pesëdhjetë) lekë.

5. Shtesa për vjetërsi pune (kolona 2) e lidhjeve nr.1 e nr.2, jepet në masën 2 për qind, pas çdo viti pune, deri në 25 vjet, dhe llogaritet mbi pagën e grupit.

6. Shtesa për kualifikim (kolona 3), e lidhjeve nr.1 e nr.2, është 0.

7. Shtesa për pozicion është sipas kolonës 4, të lidhjeve nr.1 e nr.2.

8. Për pozicionet “Përgjegjës sektori” dhe “Specialist” në sektorët teknikë të Agjencisë së Prokurimit Publik do të zbatohet shtesë, për kushte pune, në masën 10 000 (dhjetë mijë) lekë.

9. Kategorizimi për secilin institucion për pozicionet “Përgjegjës sektori” dhe “Specialist” përcaktohet me urdhrin e miratimit të strukturës dhe organikës së institucionit.

10. Nëpunësit, që aktualisht punojnë në pozicionet “Specialist” deri “Titullar i institucionit”, në institucionet rajonale/vendore dhe që nuk përmbushin kriterin e arsimit të lartë, të trajtohen me pagë sipas strukturës së përcaktuar në lidhjen nr.2, që i bashkëlidhet këtij vendimi, por paga e grupit të llogaritet me 50 për qind të pagës së grupit për diplomën e shkollës së lartë, sipas përcaktimit të bërë në pikën 4, të këtij vendimi. Shtesa për vjetërsi për këtë nëpunës llogaritet mbi këtë pagë të reduktuar.

11. Nëpunësit, që paguhen sipas lidhjeve nr.1 dhe 2, që i bashkëlidhen këtij vendimi, dhe pikave 8 e 9, nuk përfitojnë shtesa të tjera, të përcaktuara me vendime të tjera të Këshillit të Ministrave.

12. Punonjësit e tjerë të paguhen sipas lidhjes II/M, “Paga bazë për punonjësit e ministrive, institucioneve të tjera qendrore dhe prefekturave”, dhe lidhjes II-5, “Niveli i pagave për punonjësit e ministrive, institucioneve të tjera qendrore dhe prefekturave”, të vendimit nr.726, datë 21.12.2000 të Këshillit të Ministrave “Për pagat e punonjësve të institucioneve buxhetore”, të ndryshuar.

13. Të gjitha dispozitat, që bien në kundërshtim me këtë vendim, shfuqizohen.

14. Deri në datën 15.7.2006 duhet të ketë përfunduar procesi i ristrukturimit të institucioneve, që përfshihen në fushën e veprimit të këtij vendimi. Zbatimi i niveleve të pagave, të përcaktuara sipas këtij vendimi, të fillojë pas përfundimit të këtij procesi dhe miratimit, me urdhër të Kryeministrit, të strukturave dhe organikave të institucioneve të sipërpërmendura.

15. Efektet financiare, që rrjedhin nga zbatimi i këtij vendimi, për vitin 2006, të përballohen nga fondet e planifikuara për rritjen e pagave.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 korrik 2006.

KRYEMINISTRI
Sali Berisha

**STRUKTURA DHE NIVELET E PAGAVE TË NËPUNËSVE NË INSTITUCIONET QENDRORE NË
VARËSI TË KËSHILLIT TË MINISTRAVE/KRYEMINISTRIT**

	PAGA MUJORE				
POZICIONI	KATEGORIA	PAGA INDIVIDUALE (PAGA BAZË)			SHTESA E POZICIONIT
		1	2	3	4
		Paga e grupit (PG)	Shtesa vjetore për vjetërsi (SHV)	Shtesa për kualifikim (SHK)	Shtesa e pozicionit (SHP)
Titullar i institucionit	II-a	10 050	2%	0	97 713
Zv/titullar i institucionit Drejtor drejtorie	II-b	10 050	2%	0	80 342
Anëtar i organit drejtues Koordinator	III-a	10 050	2%	0	59 714
Përgjegjës sektori	III-a/1	10 050	2%	0	49 942
Përgjegjës sektori Inspektor	III-b	10 050	2%	0	43 428
Specialist	IV-a	10 050	2%	0	32 571
	IV-b	10 050	2%	0	21 714

**STRUKTURA DHE NIVELET E PAGAVE TË NËPUNËSVE TË INSTITUCIONEVE
RAJONALE/VENDORE NË VARËSI TË INSTITUCIONEVE QENDRORE NË VARËSI TË
KËSHILLIT TË MINISTRAVE/KRYEMINISTRIT**

	PAGA MUJORE				
POZICIONI	KATEGORIA	PAGA INDIVIDUALE (PAGA BAZË)			SHTESA E POZICIONIT
		1	2	3	4
		Paga e grupit (PG)	Shtesa vjetore për vjetërsi (SHV)	Shtesa për kualifikim (SHK)	Shtesa e pozicionit (SHP)
Titullar i institucionit rajonal	III-b	10 050	2%	0	43 428
Titullar i institucionit vendor Përgjegjës sektori në institucionet rajonale	IV-a	10 050	2%	0	32 571
Përgjegjës	IV-b	10 050	2%	0	21 714

sektori i institucionit vendor Specialist në institucionet rajonale					
Specialist në institucionet vendore	IV-c	10 050	2%	0	16 286